



Inatsisartuni ilaasortaq Anthon Frederiksen
Partii Naleraq
/ Maani

**Utoqqalinersiutillit inissiani attartortittakkani najugallit pillugit § 37
naapertorlugu apeqqutinut akissuteqaat**

21-03-2017
Sags nr. 2017 - 5359
Dok. Nr. 18040944

**1. Utoqqaat utoqqalinersiutaannarnik isertitallit pisortat illuutaanni imaluunniit
inissiaataanni attartortakkani qassit inigisami ataatsimi minnerpaamik ukiuni
kingullerni 25-imi najugaqarsimappat?**

AKISSUT: Naalakkersuisut apeqqummut tassunga akissuteqarnissamut
paasissutissatigut tunngaviusunik kisitsisitigullu paasissutissanik pigisaqanngillat.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**2. Naalakkersuisut utoqqaat minnerpaamik ukiunik kingullerni 25-imi
inigisaminni najugaqarsimasut, inigisamik akikitsunnguannorlugi
pigilivissinnaaneranut isumaqatigiissusiorfigineqarsinnaanerat
akuersinnaavaat?**

AKISSUT: Pisortat inissiaataannik attartortittakkanik akikitsunnguannorlugit
attartortumut tunniussinissamut inatsisitigut tunngavissaqanngilaq. Tamatumunnga
attartortup isertitai piffissarlu attartorfigisaat apeqqutaatinneqanngilaq. Inatsisartut
peqqussutaanni nr. 12-imi, 19. november 2007-imeersumi "attartortumiit
piginnittumut aaqqissuussineq" naapertorlugu attartortup inissiap attartukkami
inissiatut imaluunniit illutut nammineerluni pigisatut tunniunneqarnissaa
qinnuteqaatigisinnaavaa. Tamatuma saniatigut kontomut pingaarnermut 72.06.51-
imut oqaasertaliussa nr. 2 naapertorlugu Naalakkersuisut illunik ilaqutariinnut
ataatsinut inissianik aamma illunik affarleriinnik attartortunut aningaasannorlugit
akiliisitsillutik tunisinissamut piginnaatinneqarput. Tamanna pissappat illup
niuerutigineqarnermini nalinga 275.000 koruunit inorlugit annertussuseqassaaq.
Pisussaqa aningaasannorlugit akiliinissamut periarfissaqanngippat, qaammatit
60-it tikillugit erniaqanngitsunik akitsuusigaanngitsunilluunniit akilersuinissamut
neqeroorfigineqarsinnaavoq.

**3. Apeqqut 2-imi akissut aappimik akineqarpat, tamanna pisortanut
anigaasatigut naleqarsinnaava?**

AKISSUT: Imm. 1-imut akissut naapertorlugu Naalakkersuisut inissianik
attartortittakkanik soraarnerussutisialinnit attartorneqartunik tunniussinissap
kingunerisassaannik naatsorsuinissamut pisariaqartinneqartunik paasissutissanut
tunngavissanik kisitsisitigullu paasissutissanik pigisaqanngillat.

Inussiarnersumik inuulluaqqusillunga


Mute B. Egede